

**Zastupnik u Skupštini Kantona Sarajevo**  
**Faruk Selmanović**  
**Datum: 19.08.2025.**

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo  
Ministarstvo za odgoj i obrazovanje Kantona Sarajevo

**Na osnovu člana 213. Poslovnika Skupštine Kantona Sarajevo pokrećem**

**Inicijativu za uspostavljanje produženog boravka u Osnovnoj školi "Avdo Smajlović"**

Obraćam Vam se s inicijativom i molbom za uspostavljanje produženog boravka u Osnovnoj školi "Avdo Smajlović" (Buća Potok) za učenike od I do III razreda.

Naime, navedena škola je jedna od najmnogoljudnijih osnovnih škola u Kantonu Sarajevo, s velikim brojem upisanih učenika u nižim razredima. Uprkos tome, škola trenutno ne nudi mogućnost produženog boravka, što predstavlja značajan problem za mnoge roditelje koji su zaposleni i nisu u mogućnosti zbrinuti djecu u vremenu nakon redovne nastave.

Trenutno dostupne alternative, poput privatnih produženih boravaka ili angažovanja dadilja, iziskuju značajna finansijska sredstva koja većina porodica ne može dugoročno priuštiti. Ove opcije nisu sistemski uređene, a ponekad ni adekvatne u pogledu prostora i kadra, što dodatno povećava zabrinutost roditelja za sigurnost i kvalitet boravka njihove djece.

Produženi boravak u okviru škole bio bi najprihvatljivije, najpovoljnije i najpouzdanije rješenje koje bi doprinijelo sigurnosti djece, unapređenju njihovog obrazovno-odgojnog razvoja, te rasterećenju roditelja. Kroz pomoć u učenju, organizovane aktivnosti i strukturiran raspored, učenici bi imali zdravu rutinu i kvalitetno provedeno vrijeme nakon nastave.

Stoga Vas ovim putem molimo da razmotrite ovu inicijativu, te u skladu sa svojim nadležnostima i mogućnostima pokrenete korake ka uspostavljanju produženog boravka u OŠ "Avdo Smajlović" počevši od naredne školske godine.

Unaprijed zahvaljujemo na razumijevanju i nadamo se Vašem pozitivnom odgovoru.

S poštovanjem,